



Sel Prestuhn  
**Henry B. Eyring**  
Mwet in Kahsruh Se Met ke  
Prestuhnsi Se Met

# Puk luhn Mormon oacna sie Mwe Kolyuck La Sifacna

**K**uht nohfohn puhla, ke pacl muhtahl, kena se in fohlohk nuh lohm an in moul yurin God. El use nuh sesr mwe sang luhn Wen Kuloh Nahtuhl ke Mwet Lahngo lasr in orwaclah inkacnek an ac in luti kuht fuhkah in ukwe inkacnek se inge. El use mwet pahluh nuh sesr in ahkkahlwemye ohiyac an. Mwet Pahluh Joseph Smith el kolyuck in luhngaslah ma sihmihsyuck-lac sin mwet pahluh lah oasr ke Puk luhn Mormon. Pa inge mwe kol suwohs lasr ke inkacnek nuh sin God.

Joseph Smith el fahk ohinge ke puk se inge, “Nga fahk nuh sin mwet lili ah lah Puk luhn Mormon pa suwohs-wohs emet ke kuhtwena puk fin facluh, ac yot in fihl ke alu lasr, ac mwet se el kuh in fototoi nuh sin God ke el oruh mwe lutlut lal liki kuhtwena puk sahyac.”<sup>1</sup>

Mwe luti luhn Puk luhn Mormon pa masap luhn God kuht konwacack kac. Kuhtuh pa masap sin Mwet Lahngo nuh sin mwet pahluh Lal ke ma se kuht enenuh in oruh ac ma kuht enenuh in eklac nuh kac. Puk luhn Mormon use mwe srihkasrak luhn Mwet Lahngo in ahk-fokokoye luhlalhfongi lasr ac oaru in ahkos masap Lal in Ukwacel. Oasr mwe luti puhkantwen luhn Kraist ke puk se inge in kol kuht. Oasr srihkasrak se ke 2 Nephi:

Jisus el fahk nuh sin tuhlihk nuhtin mwet uh in ukwacel. Tuh kuht kuh in ukwe Jisus ac tiac kena in ahkos masap luhn Pahpah Lucng?

Ac Pahpah Lucng el fahk in auliyak ac pacptaislac ke inen Wen Kuloh nahtuhl (liye 2 Nephi 31:10–11).

Puk an ahkkahlwemye suwohs lah kuht enenuh in eis Nguhn Muhtahl ke pacptais ke e in kahsruh kuh in fahsr ke inkacnek suwohs ac oasrihksrihk. Kuht lutiyuck lah kuht enenuh in pruhe pacl nuh kwewa ke inen Kraist, ac tiac fuhlweack, ac kuht fin oruh ma inge, oasr olwelah se lah kuht fin kampare ke luhlalhfongi sin Kraist, oasr finsrak suwohswohs, luhngse God ac mwet nuh kwewa. Ke ma inge, kowos fin fahsr nuh met, lutlut ke kahs luhn Kraist, ac kampare nuh ke sahflah, Pahpah Tuhmwacsr Inkuhsrao el ac fah ahkinsewowoye kuht ke moul ma pahtpaht (liye 2 Nephi 31:20).

Puk luhn Mormon oruh fihswacsr in kahlwem wolacna luhn mwe lutlut lal Tohkohsrah Benjamin ke kalmeyac in eis luhngse luhn God ac mwet nuh kwewa Ke kuh luhn Iwacelah ac ahkostwen ke luhlalhfongi lasr ke masap uh, kuht ac puhla yohk luhngse luhn God (liye Mosiah 4:1–12).

Oacyacpac Puk luhn Mormon use nuh sesr luhlalhfongi lah kuht kuh in ahknwacsnwacsyeyucklac ke moul se inge nuh ke wacngihnlac kena lasr in oruh ma koluk (liye Mosiah 5:2). Finsrak se inge use puhlaik ac engan ke Setuhn el srihke in srihfe ac ahksuhmuhiye kuht ke moul lasr.

Kais sie pacl ke nga riti kuhtuh kahs ke Puk luhn Mormon, nga puhla luhlalhfongi luhk ahk-fokokoyeyuck lah puk se inge pwacye, lah Jisus pa Kraist, tuh kuht kuh in Ukwacel nuh yurin God, ac tuh kuht kuh in us

mwet suc kuht luhngse yohrohrs. Puk se inge nuh sihk pa puk se ma wo liki puk nuh kwewa sahyac. Puk se inge pa kabs luhn God.

Nga pruhe lah kuht ac mwet nuh kwewa suc kuht luhngse ac fah riti yohk ac lwen nuh kwewa ke puk se inge. Nga fahkwack ke inen Jisus Kraist lah puk se inge pa sie mwe kol pwacye.

#### MWE KAHSRUH

1. *Teachings of Presidents of the Church: Joseph Smith* (2007), 64.

#### LUTI KE PWENG SE INGE

**"K**e kuht orekmakihn ma suhmuhslah an ac kabs luhn mwet pahluh ke lwen-sahflah an oacna mwe kabsruh nuh ke mwe luti lasr, kuht suli Nguhn in ahkwacyei. Ma inge kabsruh mwe luti lasr in eis kuh luhn God in kai mwet (liye D&C 11:21) (*Teaching, No Greater Call* [1999], 51). Sahp kom kuh in riti ip ke pweng lal Prestuhn Eyring, weacng pohloh kabs lal Joseph Smith ke Puk luhn Mormon an. Suli mempucr luhn sucu in akacsruhi ke ma sikyak tari ke eltahl moulkihn mwe lutlut oasr ke Puk luhn Mormon ma kabsrelos in ahkfototo nuh sin God.

Ke mwet lutlut sramsram ke ip yohk ke ma suhmuhslah an uh, elos etwacrah ma elos enenuh ke lutlut luhn ma suhmuhslah sifacna (liye *Teaching, No Greater Call*, 54). Oacna kom fin riti ma suhmuhslah sramsramkihn pweng se inge ac suk ac sramsram ke ip yohk ma elos luti an.

#### MWET FUHSR

#### Puk luhn Mormon Nuhtihk Sifacna Sel Hillary Holbrook

**K**e Ohkohs 2005, ke Prestuhn Gordon B. Hinckley (1910–2008) el siyuck mempucr luhn Alu uh in riti Puk luhn Mormon met liki kapihn yac uh, Nga olwelah nuh sik sifacna lah nga ac fah ritwelah puk sacn nohfohn. Nga etuh tari mwe sramsram ke Puk luhn Mormon uh tuhsruhktuh nga soena riti nohfohn. Ingena nga ke karihngihn olwelah luhk.

Lutiyuck nuh sihk in moulkihn ma suhmuhslah ke mouh luhk fuhkah ac oruh in mwe sacohk nuh sihk. Oruh ke nga riti an, nga suhmuhslah ke muhtuhn sra puk se ma nga pahngon muh nuhnak yohk ke pohloh sramsram ingacn oasr kac uh. Nga oacyacpac lainiyac kabs ac pohloh kabs kac an in ahkkahlwemye mwe ahkyohkye an.

Nga fihliyac inek siskin inen ma suhmuhslah an in kabsreyuc in esam lah kabs luhn God tuh sruhmuhnyuck nuh sin mwet sahyac an kuh in oacyacpac sruhmuhnyuck nuh sihk. Sie srihkarak, ke 2 Nephi 2:28 nga suhmuhslah inek in fahk ohinge: "Ac ingena, [Hillary], nga kwacfwe kom in ngwet nuh sin Kraist, ac lohacng nuh ke masap yohk lal." Kais sie pacl ke nga oruh Puk luhn Mormon in nuhtihk sifacna, nga rahrah liki met in riti lwen nuh kwewa.

Ke nga riti lwen nuh kwewa, pruhe luhk puhla sacohk ac sifacna. Nga oacyacpac kabsreyuck in porongo nuh ke kuhlahs luhk ac ukwe kolyuck luhn Nguhn in kawuck nuh sin mwet sahyac. Ke fong sahflah luhn yac an, Nga ahksahfye Puk luhn Mormon.

Na Nga kahlwem ke yohk srihpac in riti Puk luhn Mormon nohfohn, weacng ma suhmuhslah sahyac an, ac nga ke sulpac riti puk se inge pacl pucspucs ke mouh luhk.

#### TUHLIHK

#### Mwe Kol Se in Kabsrwe Kuht in Fohlohk nuh Lohm Ah

**T**uh kom ac puhla fuhkah kom fin tuhac ac nihkihn ohiyac in fohlohk nuh lohm ah yurin sucu lom an? Tuh kom ac engan in ukwe mwet se suc etuh inkacnek se in fohlohk an uh? Prestuhn Eyring el fahk lah Puk luhn Mormon oacna mwe kol se in kabsrwe kuht in fohlohk nuh lohm ah yurin Pahpah Lucng.

Oasr ten pa kughtuh ma Puk luhn Mormon fahk lah kuht enenuh in oruh in fohlohk nuh lohm ah. Riti 2 Nephi 31:10, 11, 20. Ye kais sie pohloh kabs an, suhmuhslah fuhs pwacye ke Puk luhn Mormon an. Kom ac enenuh in orekmakihn fuhs se pacl luo.

Auliyak ac pacptaislac.

Enenuh finsrak kahlwem.

Luhngse God ac mwet nuh kwewa.

Ukwe Jisus.

© 2010 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kabs English: 6/09. Ahkkweyeyucklac ke lweng: 6/09. Lwenglah luhn *First Presidency Message, September 2010*. Kosraean. 09369 868



Luhlahlfongi • Sucu • Rilif

# Kunohkohn Lasr in Tuhfahlah Fihl Fahsruh uh

*Lulut ke sramsram se inge ac, fin wo, muhtwacta ke ma inge yurin tahmtahel lom kom ohsun nuh se an. Orekmakihn kihnsensiyuck an in kahsrwe kom ahkfokokoye tahmtahel lom ac in oruh Rilif Sosaiti in ip yohk srihpac ke moullom an.*

**Ke Ma Suhmuhsrah an:** Soa Kas 22:6; Met Efesus 6:4; Enos 1:1; Alma 53:20–21; 56:47; 57:27

**F**in wacngihn karihngihnyuck, fihl lasr fahsruh sensen in oruh oacna ma ahkuhtweyucki ke Mosiah 26. Mwet fuhsr puhkantwen tiacna luhlahlfongi ke facsin luhn pahpah tuhmwaclos ac oruh elos in fahsr liki luhlahlfongi luhn pahpah tuhmwaclos nuh ke pacl loes. Fihl lasr fahsruh uh elos kuh pac in tuhlac fin elos nihkihn ip kunaclos ke plwacn luhn Pahpah Lucng.

Meac enenweyuck in karihngihn fihl fahsruh an in wo ohiyac uh? Ke Alu uh, kuht luti ke ip yohk luhn moliyucklac, ac ip yohk ingacn pa ip yohk luhn sucu an, ip yohk ma ac fah kahsrh fihl fahsruh an in oraclah sucu se, luti sucu se ingacn, ac ahkolah sucu se ingacn in eis akwuck ac wuhlweacng—ac fah sulphac luti ma inge nuh sin kais sie fihl fahsruh an.

In oacna pahpah ninac, mwet kol, ac mempucr luhn Alu an uh, kuht ahkolah fihl se inge ke mwe insewowo lal Abraham, ke tempuhl uh. Oasr kunohkohn lasr in luti suwohs ip yohk luhn mwe luti ma sukokyak ke Sucu: Sie Mwe Fahkwack nuh fin facluh. In ninac ac pahpah pa orekma ac kunohkohn ma pahpaht se. Kais sie sesr us kunohkohn ke kwewana orekma luhn mukul

kuh muhtwacn ke plwacn an.

Kuht luti mwe luti se inge ke acn nuh kwewa. Kuht enenuh in ahkfuhtwactye sramsram ke macruht ac sucu. Ac ke srihkasrak lasr, fihl fahsruh uh kuh in eis finsrak yohk ac kahlwem—tiac ke kahs kuht sramsram muhkwenah tuhsruhktuh ke ohiyacn kuht puhla ac ahkkahlwemye ip yohk luhn sucu.

**Julie B. Beck, prestuhn luhlahp ke U luhn Rilif Sosaiti.**

## Ke Ma Mahtuh Lasr

Ke sramsram nuh sin tahmtahel ke toeni luhlahp luhn Rilif Sosaiti ke Septempuh 23, 1995, Prestuhn Gordon B. Hinckley el fahk: “Facluh se suc kuht oasr kac pa facluh luhn okahrkahr, ke ohiyacn mwet eklac. Puhsra luhlahp pahngohn kuht in oruh ma puhkantwen in lain ohiyac wo ma orek met ah.”<sup>1</sup> Na Prestuhn Hinckley el ahkkahlwemye nuh sin tahmtahel ke, Alu uh, ac mwet nuh kwewa acn nuh kwewa “Sucu: Sie Mwe Fahkwack nuh fin Facluh.”

Ke yac somlah pwepuh se inge lwenglah nuh ke kahs puhkantwen ac ituckyang nuh sin mwet kol fin facluh uh. Pwepuh se inge siyuck mwet and mwet kol luhn kafucrmacn “in kwacfe in orekmakihn ma inge in sang karihngihn ac ahkkweye sucu in pa u se ma yohk e met ke acn se uh.”<sup>2</sup>

Mwe Fahkwack sacn pa pwe-lucng se ke luhlahlfongi luhn sucu ke Mwet Luhlahlfongi ke Lwensahflah, sie pohloh kahs ma kuht kuh in sruokyac na ac etuh lah ke kuht moullom, kuht ac fah ahkfokokoye sucu lasr ac lohm sesr an.

### MWE KAHSRUH

1. Gordon B. Hinckley, “Stand Strong against the Wiles of the World,” *Ensign*, Nohfohmpuh 1995, 99.
2. Liye “Sucu: Sie Mwe Fahkwack nuh fin Facluh,” *Liahona*, Ohktoha 2004, 49.

### Meac Nga Kuh In Oruh?

**1.** Nga kuh orekmakihn “Sucu: Sie Mwe Fahkwack nuh fin Facluh” fuhkah in kahsrh tahmtahel luhk in tuhfaflah fihl fahsruh uh? Sahp kom kuh in akacsruhi sie kapi ke mwe fahkwack sacn ac kahsrh tahmtahel lom in konwacack ac mahkiyac pohloh kahs ma ac fah kahsrh yohk ki ke mwe luti an uh.

**2.** Nga kuh in tuhfaflah fihl fahsruh uh fuhkah? Sahp kom kuh in kahsrh mempucr luhn ward, pracns, sucu, kuh mura suc kuh in wolac ke pacl ac luhngse lom an uh.

Ke mwet luti sahyac, som nuh ke [www.reliefsociety.lds.org](http://www.reliefsociety.lds.org).

© 2010 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/09. Ahkkweyeyucklac ke lweng: 6/09. Lwenglah luhn *Visiting Teaching Message*, September 2010 Kosraean. 09369 868